



Broj: 01-04-2387/24-AP-4
Datum: 26.12.2024. godine

ZAPISNIK (IZVOD)

sa 2. sjednice Gradskog vijeća Zavidovići koja je održana, dana 26.12.2024. godine (ponedjeljak) sa početkom u 16:00 sati u Velikoj sali zgrade gradskih organa Grada Zavidovići.

Sjednici Gradskog vijeća prisustvovalo 29 vijećnika: Avdičević Amer, Avdičević Zahid, Bašić Mirela, Buljubašić Demir, Ćosić Omer, Dendić Sanela, Delić Elvira, Džindo Asim, Fejzić Rijad, Fojnica Admir, Hadžić Amira, Huskić Elvedin, Huskić Hasib, Hodžić Haris, Ikanović Dževad, Jalmanović Sanel, Javrić Bajro, Jupić Amra, Karajbić Anes, Mehić Amir, Mujkić Amir, Pašić Indira, Polić Ajdin, Sinanović Asim, Sinanović Azra, Skejić Šemsudin, Šehić Semir, Šimšić Igor, Tursić Amir.

Odsutni vijećnici:./.

Ostali prisutni: Gradonačelnica Erna Merdić Smailhodžić, Sekretar Gradskog vijeća- Samira Pinjić, Pomoćnik gradonačelnice Službe za upravu društvenih djelatnosti, pitanja boraca i opću upravu - Idriz Alihodžić, Pomoćnik gradonačelnice Službe za upravu poljoprivrede, vodoprivrede i komunalnih poslova- Izet Bašić, Pomoćnik gradonačelnice za upravu finansija, budžet i trezor- Midhat Bajramović, Sekretar gradske uprave - Nermin Čahtarević, Amira Tadić- Šef odsjeka za trezor, Džemanina Memagić - predsjednica Komisije za Statut i propise

Ispred sredstava informisanja sjednici prisustvovali: Željko Šlipogor – „Radio 1503 Zavidovići“ d.o.o. Zavidovići.

Zapisnik i ostale administrativno - tehničke poslove obavljala je Bakir Mujkić – lice na stručnom osposobljavanju u službama za upravu i posebnim službama Grada Zavidovići.

Na osnovu člana 81. Poslovnika o radu Gradskog vijeća Zavidovići, predsjedavajuća Gradskog vijeća predložio je verifikaciju Zapisnika (Izvod) sa prve Konstituirajuće sjednice Gradskog vijeća održane, dana 29.11.2024. i 10.12.2024.godine

Predsjedavajuća Gradskog vijeća konstatuje da je Gradsko vijeće sa 28 glasova ZA, 0 PROTIV, 0 UZDRŽANO (Odsutni vijećnici: Haris Hodžić) usvojilo izvod iz Zapisnika sa prve Konstituirajuće sjednice Gradskog vijeća održane, dana 29.11.2024. i 10.12.2024. godine

ZAKLJUČAK

1. Gradsko vijeće Zavidovići usvaja Zapisnik (Izvod) sa prve Konstituirajuće sjednice Gradskog vijeća Zavidovići, održane dana 29.11.2024. i 10.12.2024. godine, bez primjedbi.

2. Zaključak stupa na snagu odmah.

Na osnovu člana 61. Poslovnika o radu Gradskog vijeća Zavidovići, predsjedavajući Gradskog vijeća, predložio dnevni red 2. sjednice Gradskog vijeća, kao slijedi:

Dnevni red:

1. Vijećnička pitanja, inicijative i odgovori.
2. Izvještaj o izvršenju Budžeta Grada Zavidovići za period 01.01. – 30.06.2024. godine – II kvartal sa Izvještajem o utrošku tekuće budžetske rezerve.
3. Izvještaj o izvršenju Budžeta Grada Zavidovići za period 01.01. – 30.09.2024. godine – III kvartal sa Izvještajem o utrošku tekuće budžetske rezerve.
4. Prijedlog izmjena i dopuna Budžeta Grada Zavidovići za 2024. godinu.
5. Prijedlog Odluke o izmjenama i dopunama Odluke o izvršavanju Budžeta Grada Zavidovići za 2024. godinu.
6. Prijedlog Odluke o privremenom finansiranju Grada Zavidovići za period 01.01. – 31.03.2025. godine.
(**izvjestilac po tačkama 2. - 6.:** Midhat Bajramović, pomoćnik gradonačelnika Službe za upravljanje finansijama, budžet i trezor)
7. Prijedlog Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići.
8. Prijedlog Rješenja o imenovanju Komisije za izbor na upražnjene pozicije predsjednika i člana u Upravni odbor Javne ustanove „Dom zdravlja“ Zavidovići.
(**izvjestilac po tačkama 7. i 8.:** Idriz Alihodžić, pomoćnik gradonačelnika Službe za upravljanje društvenih djelatnosti, pitanja boraca i opću upravu)
9. Prijedlog Rješenja o imenovanju Komisije za izbor na upražnjene pozicije predsjednika i člana u Skupštini JKP „Radnik“ d.o.o. Zavidovići.
(**izvjestilac:** Izet Bašić, pomoćnik gradonačelnika Službe za upravljanje poljoprivrede, vodoprivrede i komunalnih poslova)
10. Prijedlog teksta autentičnog tumačenja člana 43. stav (4), a u vezi sa članom 35. Poslovnika o radu Gradskog vijeća Zavidovići – novi prečišćeni tekst.
(**izvjestilac:** Džemanina Memagić, predsjednica Komisije za Statut i propise)

Predsjedavajuća dala na glasanje predloženi dnevni red.

Nakon provedenog glasanja, Predsjedavajuća konstatovala da je predloženi dnevni red sa 28 glasova ZA, 0 PROTIV, 0 UZDRŽANO (Odsutni: Haris Hodžić), usvojen.

Rad po dnevnom redu

Ad.1- Vijećnička pitanja, inicijative i odgovori

Šemsudin Skejić:

„Želim da pozdravim sve prisutne i medije koje nas prate. Razmišljajući šta bi bilo najpotrebnije u startu ovog mandata, odnosno šta ja želim da uradim u ovom mandatu, ja sam se odlučio za jedno vijećničko pitanje koje će nadam se polučiti neke rezultate u smislu da se nešto od toga ostvari. Mnogi koji su ovdje bili u protekle četiri godine, vjerovatno znaju šta ću ja ponuditi. Postavit ću nekoliko pitanja sa ciljem da se otvori do kraja pitanje i riješi pitanje vodosnadbijevanje prostorne cijeline Pašin konak. Puno je priče bilo u protekle četiri godine, na nekoliko sjednica vođena je rasprava, donošeni su zaključci, sve možemo govoriti u množini, čak je bilo dogovoreno i da se podigne kredit. Ja ću konkretno pročitati moja tri ili četiri pitanja koja će pomoći da dobijemo cjelovitu informaciju o tom projektu.

PREDMET: VIJEĆNIČKO PITANJE

na osnovu člana 8 i 87. Poslovnika o radu Gradskog vijeća postavljam vijećničko pitanje koje se odnosi na realizaciju projekta snadbijevanja Prostorne cjeline Pašin Konak.

1. Koliko je sredstava do 31.12. uloženo u realizaciju projekta i koje faze projekta su do kraja 2024. godine završene i u kom procentu?
2. Koliko sredstava je potrebno uložiti u preostale radove i koje radove treba izvesti da bi započeti projekat bio realizovan u planiranom obimu?
3. Molim da nadležna služba sačini Dinamički plan završetka započetog projekta i da se isti dostavi Gradskom vijeću.
4. Također, molim Gradonačelnicu da cjelovitu informaciju o realizaciji projekta Vodospodbijevanja prostorne cijeline Pašin Konak pripremi i prosljedi Gradskom vijeću na raspravu koja bi se održala na martovskoj sjednici.

OBRAZLOŽENJE

Dugo, rekao bih predugo traje realizacija, vjerovatno u ovom trenutku najobimnijeg infrastrukturnog projekta Grada Zavidovići. Podsjećam da je prije 7 godina izdata građevinska dozvola za prvu fazu gradnje. Krajnje vrijeme je da odlučimo kakav status ćemo dati ovom projektu. Siguran sam da je projekat moguće realizovati do ljeta 2026. godine. Zato obezbijedimo cjelovitu informaciju koju ćemo analizirati na sjednici Gradskog vijeća u martu 2025. godine i donesimo odluku kakva god ona bila. Pri tom moramo voditi računa da je u realizaciji i sličan po obimu projekat Vodospodbijevanja prostorne cijeline Rujnica. Ako se prema ovim projektima budemo odnosili kao do sada nećemo ih završiti za više od 10 godina, a tada nam možda neće trebati. Neću moći prihvatiti odgovor da se traženi podaci ne mogu obezbijediti.“

Amira Hadžić, zahvaljujem gospodinu Skejić, pozivam gospođu Elviru Delić.

Elvira Delić:

„Ja vas sve srdačno pozdravljam, pozdravljam stanovnike naše Opštine, također iskoristit ću priliku da pripadnicima katoličke vjeroispovijesti čestitam Božić. Sada ću samo pročitati ovo pitanje, nadam se da ću ja to uspjeti.“

PREDMET: VIJEĆNIČKO PITANJE

1. Na osnovu člana 8 i 87 Poslovnika o radu Gradskog vijeća Zavidovići, kao vijećnik Gradskog vijeća Zavidovići, tražim od nadležne Gradske službe da nam dostavi informaciju kada će nadležna Gradska služba i Gradska uprava izdati građevinsku dozvolu za putnu komunikaciju Trn-Ilići-Šabin potok za koju je prethodno Gradsko vijeće Zavidovići izglasalo javni interes. Mještani Mjesne zajednice Rujnica su u prethodnim godinama uložili 361.000,00 KM na ime izgradnje putne komunikacije Trn-Ilići-Šabin potok uz dodatnih 800 dnevnic radne snage. Grad Zavidovići je uzeo učešće u iznosu od 211.000 KM, te ZE-DO kanton sa iznosom od 50.000,00 KM. Preko 700.000,00 KM uloženo je u ovu putnu komunikaciju koja zimi nije prohodna jer nema obezbjeđeno zimsko održavanje, te još uvijek nije ni uvrštena u plan zimskog održavanja jer Gradske službe nisu završile aktivnosti na cijepanju parcela, eksproprijaciji i izdavanju građevinske dozvole.

Direkto pitanje : Zašto se stalo sa aktivnostima na izdavanju potrebnih dozvola za legalizaciju putne komunikacije Trn-Ilići-Šabin potok, kada se može očekivati završetak poslova na cijepanju parcela, eksproprijacije novoformiranih parcela i izdavanju građevinske dozvole, te postavljanja saobraćajnih znakova ograničenja brzine i nosivosti?

Također tražimo informaciju: da li Gradsko vijeće kao predstavnički organ može ovu putnu komunikaciju uvrstiti u zimsko održavanje puteva na području Grada Zavidovići bez dase čeka legalizacija izdavanja građevinske dozvole?

Od nadležnih zahtijevam jasne odgovore u pisanoj formi.
Vijećničko pitanje upućuje se nadležnoj Gradskoj službi.
S poštovanjem.“

Amira Hadžić: Zahvaljujem gospodu Delić, pozivam gospodu Amru Jupić.

Amra Jupić:

„Pozdravljam sve prisutne u Gradskom vijeću Zavidovići, a posebno pozdravljam naše uvažene sugrađane koji nas slušaju putem „Radio 1503“, željela bih kao kolegica Delić maločas da se pridružim čestitkama našim sugrađanima, pripadnicima rimokatoličke vjere, da ove blagdane obilježe u krugu svojih najmilijih,.. u obilju nafake i da naredne blagdane dočekaju zadovoljni, sretni i u dobrim odnosima sa svojim komšijama. Ja imam 17 pitanja pa ću ih fino... vašeg vremena rasporediti, ne morate negodovati odmah. Rasporedit ću ih na narednih 2-3 sjednice, a danas ću po prioritetu kako zaslužuju mada su sva pitanja naša, nema trivijalnih pitanja. Sva naša pitanja su jako obimna za naše građane, zato smo tu. Ja ću samo taksativno o čemu se radi. A naša gospoda Pinjić sekretar vijeća će dobiti u pisanoj formi zato što i štedim vaše vrijeme i ne želim da me iko od Predsjedništva upozorava da mi je vrijeme isteklo.

PREDMET: VIJEĆNIČKO PITANJE

1. Nadležnim službama

Od strane pomoćnika Gradonačelnika Izeta Bašića kreiran je Program poljoprivrednih poticaja za 2024. godinu u iznosu od 96.000,00 KM. Obzirom na činjenicu da je kraj godine, interesuje nas da li je Javni poziv poljoprivrednim proizvođačima okončan te da li je izvršena kontrola ispunjenosti uslova i da li su isplaćena sredstva našim proizvođačima. Dakle, tražimo da nam se dostavi Plan poljoprivrednih poticaja, Javni poziv, te spisak svih aplikacija koji su se javili na Javni poziv sa obrazloženjem da li su ispunjavali uslove ili ne, dakle SVIH APLIKANATA. Također, ukoliko je sve okončano, tražimo da se dostave spiskovi sa ukupnim iznosom sredstava, pojedinačno kome je sve isplaćeno. Odgovor tražimo u pisanoj formi.

2. Nadležnim službama

Prilikom predlaganja i usvajanja Budžeta za 2024. god. nisu bile planirane novogodišnje aktivnosti i događaji. Obzirom na činjenicu da se domaćinski pristupalo budžetu i sredstva su se trošila shodno planu i programu. Interesuje nas na osnovu čega je planirano i koliko će koštati manifestacija „Ledena čarolija“ koja je planirana ispred i u JU „Kulturno-sportski centar“ Zavidovići, kao što je ranije bilo organizirano ispred Gimnazije. U Pisanom obliku tražimo odgovor, da li su sredstva za ovu manifestaciju planirana Budžetom za 2024. godinu i na kojoj stavci u dokumentu?

3. Nadležnim službama

Da li se u skorijoj budućnosti planira sanacija podvožnjaka u MZ Dolina-Alići i da li se kroz planiranje u Budžetu za 2025.god. mogu osigurati sredstva za pomenutu sanaciju. Jedan od najbitnijih razloga je nepristupačnost vatrogasnom vozilu u slučaju požara, čime bi život mještana MZ Dolina-Alići i njihova imovina bili ugroženi.

Odgovor tražim u pisanoj formi.

4. Nadležnim službama

Tražim da mi se dostavi stanje i opremljenost Vatrogasne jedinice Zavidovići.
Odgovor tražim u pisanoj formi.

5. Nadležnim službama

da mi se u što kraćem vremenskom roku odgovori na pitanje vezano za sigurnost učenika u osnovnim i srednjim školama kao i Dječijim vrtićima na području grada i područnih objekata Grada Zavidovići sa naglaskom, koliko je i koji su objekti pod video nadzorom i koliko se često obilaze od strane pripadnika Policijske uprave Zavidovići.“

Amira Hadžić: Zahvaljujem gospođu Jupić. Pozivam gospodina Polića.

Ajdin Polić:

„Poštovani sugrađani, poštovana Gradonačelnice sa saradnicima, poštovane kolege vijećnici, mediji. Imam 2 inicijative.

PREDMET: VIJEĆNIČKA INICIJATIVA ZA SANIRANJE LOKALNOG PUTA U BAJVATIMA

1. INICIJATIVA za saniranja asfalta, odvodnje i klizišta na lokalnom putu Sinanovići - Mahoje u naseljenom mjestu Bajvati. Realizacija inicijative podrazumijeva izgradnju potpornog zaštitnog zida, drenaže, sanacije kolovoza sa niveliranjem i asfaltiranjem na lokaciji ulaza u naseljeno mjesto Bajvati. U okviru ovog materijala dostavio sam i sliku lokacije da bude jasnije s obzirom da je ovo klizište aktivno već od 2005. godine, stalno se sanira, da se konstantno ulažu sredstva mislim da je krajnje vrijeme da se to sanira kvalitetno.

O realizaciji ove inicijative starat će se Gradonačelnica sa službama.

Za realizaciju ove inicijative izdvojiti potrebna sredstva iz budžeta Grada Zavidovići.

OBRAZLOŽENJE

Zbog lošeg stanja nosivog sloja kolovozne konstrukcije potrebna je sanacija istog u kraćim dionicama, a navedena klizišta aktivirana su u prvim polavama nakon asfaltiranja dionice Sinanovići-Mahoje 2005 godine. Prethodnih godina konstantno su sanirana, međutim nisu spriječeni osnovni uzroci, te tako spriječilo dalje propadanje tla, a dugoročno ostvarile značajne uštede. Realizacijom inicijative rješava se problem u saobraćajnoj komunikaciji za mještane Bajvata i Mahoja.

Za realizaciju ove inicijative izdvojiti potrebna sredstva iz budžeta Grada Zavidovići.

2. INICIJATIVA: VIJEĆNIČKA INICIJATIVA ZA SANIRANJE LOKALNOG PUTA U LIJEVČI

U skladu sa članom 8.,97., i 109 Poslovnika o radu Gradskog vijeća, podnosim slijedeću inicijativu:

INICIJATIVA za saniranja asfalta, odvodnje i klizišta na lokalnom putu Sinanovići - Mahoje u naseljenom mjestu Lijevča (pored stadiona). Realizacija inicijative podrazumijeva izgradnju potpornog zaštitnog zida, drenaže, sanacije kolovoza sa niveliranjem i asfaltiranjem na lokaciji ulaza u naseljeno mjesto Lijevča.

O realizaciji ove inicijative starat će se Gradonačelnica sa službama.

Za realizaciju ove inicijative izdvojiti potrebna sredstva iz budžeta Grada Zavidovići.

OBRAZLOŽENJE

Zbog lošeg stanja nosivog sloja kolovozne konstrukcije potrebna je sanacija istog u kraćim dionicama, a navedena klizišta aktivirana su u prvim polavama nakon asfaltiranja dionice Sinanovići-Mahoje 2005 godine. Prethodnih godina konstantno su sanirana, međutim nisu spriječeni osnovni uzroci, erozija rijeke i podzemne vode. Realizacijom inicijative otklonili bi se uzroci, te tako spriječilo dalje propadanje tla a dugoročno ostvarile značajne uštede.

Realizacijom inicijative rješava se problem u saobraćajnoj komunikaciji za mještane Bajvata i Mahoja“

Amira Hadžić: Zahvaljujem gospodinu Poliću, pozivam gospodina Amira Tursića.

Amir Tursić:

„E-selamu-Alejkum, dobro veče cijenjene kolege vijećnici, Gradonačelnice sa saradnicima, predstavnici medija i sugrađani.

PREDMET: VIJEĆNIČKO PITANJE

1. Pitanje je vrlo aktuelno, odnosi se na zimsko održavanje. Određeni broj građana iznosi primjedbe na čišćenje, bolje reći nečišćenje snijega na pojedinim površinama, uglavnom na nekategorisanim putevima, ima tu i drugih površina kao što su određeni dijelovi gradskog urbanog područja koji nisu obuhvaćeni čišćenjem. Zanima me ko je prilikom ugovaranja, odnosno pripremi tenderske dokumentacije, odredio koje će pravci, ulice i površine ući u program zimskog održavanja, a koji ne?

Također, zanima me ko je odgovoran za čišćenje snijega na površinama koje nisu obuhvaćene ugovorom o zimskom održavanju?

Molim odgovor u pisanoj formi.“

Amira Hadžić: Zahvaljujem gospodinu Tursiću, gospodin Asim Džindo.

Asim Džindo :

„Uvažena Gradonačelnice sa saradnicima, poštovane kolege Vijećnici i Vijećnice, sugrađani koji nas slušate, ali nažalost i nevidite, sve vas srdačno pozdravljam i upućujem iskrene čestitke za predstojeće novogodišnje praznike. Imam jedno vijećničko pitanje i jednu inicijativu.

PREDMET : VIJEĆNIČKO PITANJE

1. Na osnovu člana 8. i 87 Poslovnika o radu Gradskog vijeća Zavidovići, kao Vijećnik Gradskog vijeća Zavidovići postavljam slijedeće vijećničko pitanje:

Tražim od nadležne Gradske službe da nam dostavi informaciju i podatke o isplaćenim sredstvima svim udruženjima i klubovima koji su u prethodnoj 2023. godini organizovali sportske manifestacije na području Grada Zavidovići, uz informaciju zašto tekuće 2024. godine nije objavljen Javni poziv za sufinansiranje sportskih manifestacija koje organizuju sportski klubovi sa područja lokalne samouprave?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj Gradskoj službi.

S poštovanjem.“

1. **PREDMET : VIJEĆNIČKA INICIJATIVA** za izgradnje kanalizacione mreže u naselju mjestu Dubravica

Na osnovu člana 109.Poslovnika o radu Gradskog vijeća Zavidovići, u ime kluba Vijećnika Socijaldemokratske partije BiH, Gradskom vijeću Zavidovići, podnosim inicijativu: Za nastavak izgradnje kanalizacione mreže u naselju mjestu Dubravica, o rješavanju problema neadekvatnog odvođenja otpadnih voda i onemogućavanju priključenja domaćinstava na postojeću mrežu.

OBRAZLOŽENJE

Dubravica se već duže vrijeme suočava sa problemom nepotpunog funkcionisanja kanalizacione mreže, što značajno narušava kvalitet života stanovnika jednog dijela naselja,

iako je mreža u prošlosti više puta proširivana i značajan broj domaćinstava koristi njene pogodnosti, ona trenutno završava na livadi što stvara ozbiljan problem za 15 domaćinstava koje gravitiraju tom području. Ova domaćinstva svakodnevno osjećaju posljedice neadekvatnog odvođenja otpadnih voda, a naročito tokom ljetne sezone kada neugodni mirisi postaju nepodnošljivi i ometaju osnovnu svakodnevicu.

neophodno je istaknuti da ova situacija ne samo da utiče na kvalitet života pogođenih domaćinstava, već predstavlja i širi problem za okoliš i zdravlje svih stanovnika naselja. Otpadne vode koje se ne odvedu adekvatno mogu dovesti do kontaminacije tla i podzemnih voda, što dodatno ugrožava ekološku ravnotežu i zdravlje ljudi. Neugodni mirisi su tek površinski problem-dugoročne posljedice mogu uključivati širenje bolesti i smanjenje vrijednosti zemljišta u okolini.

Rješavanje ovog problema zahtijeva nastavak izgradnje kanalizacione mreže kako bi se ona proširila izvan trenutnog područja i omogućila povezivanje svih domaćinstava koji se trenutno nalaze u nepovoljnoj situaciji. Tehnički gledano, radi se o relativno jednostavnom projektu s obzirom na to da je mreža već dostupna i da je potrebno samo njeno produženje i priključenje na odgovarajuću odvodnu infrastrukturu.

Stanovnici Dubravice koji su pogođeni ovom situacijom već godinama apeliraju na nadležne institucije da pronađu rješenje, ali je krajnje vrijeme da se ovaj problem ozbiljno shvati i uvrsti među prioritetne projekte općine. Nastavak izgradnje kanalizacione mreže ne bi trebao biti tretiran kao luksuz, već kao potreba svakog domaćinstva u naselju. Ovaj projekat ne samo da bi riješio neposredne probleme ovih 15 domaćinstava, već bi dugoročno unaprijedio kvalitet života cijelog naselja, spriječio dalje ekološke posljedice i podigao standard života stanovnika u Dubravici.

S poštovanjem.“

Amira Hadžić: Zahvaljujem gospodinu Džindi, pozivam gospodina Demira Buljubašića.

Demir Buljubašić:

„Poštovana Gradonačelnice sa saradnicima, radno Predsjedništvo, kolegice i kolege Vijećnici, sredstva informisanja i Građani Grada Zavidovići, sve vas srdačno selamim i pozdravljam. Ja imam nekoliko vijećničkih pitanja. Interesuje me putni pravac, ulaz u Pašin Konak, odnosno naseljeno mjesto Mećevići. Nalazi se u lošem stanju, ogromne rupe na toj dionici predstavljaju ozbiljan problem za sigurno kretanje vozila i svakodnevni život građana. Interesuje me sljedeće:

PREDMET: VIJEĆNIČKO PITANJE

1. Da li je Gradska uprava upoznata sa ovim problemom? Da li postoji plan za sanaciju ovog putnog pravca? Kada građani mogu očekivati konkretne radove na rješavanju ovog problema? Dok se ne poduzmu konkretni radovi da li se može poslati nasip kako bi se privremeno sanirale rupe?
2. Sljedeće pitanje se odnosi na sanaciju putnog pravca Sinanovići-Mahoje. Da li je planirana sanacija ovog dijela puta, ako jeste koji su planirani radovi?
3. Na sjednici održanoj 31.05.2023. godine podnio sam inicijativu za izgradnju puta u naseljenom mjestu Borovnica. Planom kapitalnih investicija predvidjeli smo izgradnju 1300 metara puta. Interesuje me da li će se inicijativa realizovati, te da li se može kazati okviran vremenski period? Hvala.“

Amira Hadžić: Zahvaljujem gospodinu Buljubašiću, pozivam Zahida Avdičevića.

Zahid Avdičević:

„Gospođo Gradonačelnice, radno Predsjedništvo, kolegice i kolege Vijećnici, Građani Grada Zavidovići sve vas srdačno selamim i pozdravljam. Moje pitanje će biti veoma kratko, evo svjedoci smo ovih padavina, moje pitanje se odnosi na nadležnu službu Civilne zaštite. Koliko je sjednica u ovim teškim trenucima održala i koje je zaključke donijela i na osnovu čega će se, evo broj neformalnih razgovora i sa Gradonačelnicom, sa ljudima iz Civilne zaštite...

PREDMET: VIJEĆNIČKO PITANJE

1. Na koji način će se vršiti refundacija troškova ljudi koji su na seoskim područjima svojim sredstvima vršili čišćenje snijega? Samo na koji način, toliko i zahvaljujem.“

Amira Hadžić: Zahvaljujem gospodinu Avdičeviću, ima li još neko da želi postaviti vijećničko pitanje? Ja nemam više prijavljenih. Nema niko prelazimo na usmene odgovore ukoliko ih ima. Gospodin Bašić, pomoćnik Gradonačelnice. Izvolite.

Izet Bašić:

„Eselamu alejkum i dobro večer svim prisutnim i građanima koji nas prate, ja ću evo u ulozi šefa službe Civilne zaštite, obzirom da mijenjam kolegu koji je još uvijek na godišnjem odmoru. Hoću da odgovorim na kratko pitanje, postavljeno, kratko ću i odgovoriti. Mi smo imali do sada svaki dan Štab Civilne zaštite sastanak vezano za ove prilike i ujutro smo dogovorili u pola osam ponovo Štab Civilne zaštite gdje ćemo detaljnije izdefinisati odgovor na ovo pitanje: Kako i na koji način će se riješiti refundacija ovih sredstava koja su potrebna za one poslove koji su urađeni na nekategorisanim putevima koji nisu obuhvaćeni ugovorima, a vršeno je čišćenje snijega u toku ova protekla tri dana? Hvala.“

Amira Hadžić: „Zahvaljujem koliko sam shvatila ovo je odgovor na pitanje vijećnika Zahida Avdičevića. Pitam gospodina Avdičevića, voljni ste želite li odgovor i u pisanoj formi gospodine Avdičeviću, vama se obraćam. Želi te li odgovor i u pisanoj formi gospodine Avdičeviću ili Vam je ovo dovoljno?“

Zahid Avdičević: „Može.“

Amira Hadžić: „Zahvaljujem. Time smo iscrpili prvu tačku dnevnog reda, te prelazimo na drugu tačku dnevnog reda.“

Ad.2- Izvještaj o izvršenju Budžeta Grada Zavidovići za period 01.01.-30.06.2024. godine - II kvartal, sa Izvještajem o u trošku tekuće budžetske rezerve.

Uvodno izlaganje: Midhat Bajramović

U raspravi nije bilo učesnika.

Predsjedavajuća dala na glasanje Izvještaj o izvršenju Budžeta Grada Zavidovići za period 01.01.-30.06.2024. godine - II kvartal, sa Izvještajem o u trošku tekuće budžetske rezerve.

Nakon provedenog glasanja, Predsjedavajuća konstatovala da je Izvještaj o izvršenju Budžeta Grada Zavidovići za period 01.01.-30.06.2024. godine - II kvartal, sa Izvještajem o u trošku tekuće budžetske rezerve, sa 22 glasova ZA, 0 PROTIV, 6 UZDRŽANO, usvojen

ZAKLJUČAK

1. Gradsko vijeće Zavidovići usvaja Izvještaj o izvršenju Budžeta Grada Zavidovići za period 01.01. - 30.06.2024. godine - II kvartal sa Izvještajem o u trošku tekuće budžetske rezerve.

2. Izvještaj o izvršenju Budžeta Grada Zavidovići za period 01.01. - 30.06.2024. godine - II kvartal sa Izvještajem o utrošku tekuće budžetske rezerve, objaviti u „Službenom glasniku Grada Zavidovići“.

3. Zaključak stupa na snagu danom donošenja, a o njegovoj realizaciji starat će se Stručna služba Gradskog vijeća.

Ad.3- Izvještaj o izvršenju Budžeta Grada Zavidovići za period 01.01.- 30.09.2024. godine - III kvartal, sa Izvještajem o utrošku tekuće budžetske rezerve

Uvodno izlaganje: Midhat Bajramović

U raspravi učestvovali: Admir Fojnica

Predsjedavajuća dala na glasanje Izvještaj o izvršenju Budžeta Grada Zavidovići za period 01.01.-30.09.2024. godine - III kvartal, sa Izvještajem o u utrošku tekuće budžetske rezerve.

Nakon provedenog glasanja, Predsjedavajuća konstatovala da je Izvještaj o izvršenju Budžeta Grada Zavidovići za period 01.01.-30.09.2024. godine - III kvartal, sa Izvještajem o u utrošku tekuće budžetske rezerve, sa 22 glasova ZA, 0 PROTIV, 6 UZDRŽANO, usvojen

ZAKLJUČAK

1. Gradsko vijeće Zavidovići usvaja Izvještaj o izvršenju Budžeta Grada Zavidovići za period 01.01. - 30.09.2024. godine - III kvartal sa Izvještajem o utrošku tekuće budžetske rezerve.

2. Izvještaj o izvršenju Budžeta Grada Zavidovići za period 01.01. - 30.09.2024. godine - III kvartal sa Izvještajem o utrošku tekuće budžetske rezerve, objaviti u „Službenom glasniku Grada Zavidovići“.

3. Zaključak stupa na snagu danom donošenja, a o njegovoj realizaciji starat će se Stručna služba Gradskog vijeća.

Ad.4 - Prijedlog Izmjene i dopune Budžeta Grada Zavidovići za 2024. godinu.

Predsjedavajuća je navela da je uz materijal za predmetnu tačku dnevnog reda dostavljeno Mišljenje Ministarstva finansija ZDK, broj: 01-11-20658/24 od 17.12.2024. godine, te da je Gradonačelnica na Prijedlog Izmjene i dopune Budžeta Grada Zavidovići za 2024. godinu, dostavila tri amandmana, koji su sastavni dio dokumenta i o njima se ne glasa, a isti glase:

„AMANDMAN BROJ 1

na Prijedlog Izmjena i dopuna Budžeta Grada Zavidovići za 2024. godinu

I

U članu 2. Prijedloga Izmjena i dopuna Budžeta Grada Zavidovići za 2024. godinu, poglavlje B - Rashodi i izdaci, **na konto 6154111 „Transfer za troškove projektovanja, nabavke i instaliranje videonadzora gradskog područja“**, u stupcu pod nazivom „Izvršenje 01.01. - 30.11.2024. godine“ iznos od 129.939,62 KM i u stupcu pod nazivom „Izmjene i dopune Budžeta za 2024. godinu“ iznos od 129.939,62 KM (strana 14), brišu se i upisuju **na konto 8213412 „Transfer za troškove projektovanja, nabavke i instaliranje videonadzora gradskog područja“**, u iste stupce.

II

U članu 2. Prijedloga Izmjena i dopuna Budžeta Grada Zavidovići za 2024. godinu, poglavlje B - Rashodi i izdaci u dijelu pod nazivom „Izmjene i dopune Budžeta Grad

Zavidovići za 2024. godinu po programima, „22 – Program saradnje sa ostalim nivoima vlasti“, na kontu 6154111 „Transfer za troškove projektovanja, nabavke i instaliranje videonadzora gradskog područja“, u stupcu pod nazivom „Izvršenje 01.01. - 30.11.2024. godine“ iznos od 129.939,62 KM i u stupcu pod nazivom „Izmjene i dopune Budžeta za 2024. godinu“ iznos od 129.939,62 KM (strana 27.), brišu se i upisuju na konto 8213412 „Transfer za troškove projektovanja, nabavke i instaliranje videonadzora gradskog područja“, u iste stupce.

OBRAZLOŽENJE

Prilikom izrade Izmjena i dopuna Budžeta Grada Zavidovići za 2024. godinu, učinjena je tehnička greška tako da je „Transfer za troškove projektovanja, nabavke i instaliranje videonadzora gradskog područja“ bio na kontu 6154111 a treba da bude na kontu 8213412.“

„AMANDMAN BROJ 2

na Prijedlog Izmjena i dopuna Budžeta Grada Zavidovići za 2024. godinu

I

U članu 2. Prijedloga Izmjena i dopuna Budžeta Grada Zavidovići za 2024. godinu, poglavlje B - Rashodi i izdaci, stubac „Izmjene i dopune Budžeta Grada Zavidovići za 2024. godinu mijenjaju se stavke kako slijedi:

- **konto 611100 „Bruto plaće i naknade plaća“**, umanjuje se za 5.000,00 KM, tako da se umjesto iznosa 3.387.594,46 KM, upisuje iznos 3.382.594,46 KM,

- **konto 611200 „Naknade troškova zaposlenih“**, umanjuje se za 5.000,00 KM, tako da se umjesto iznosa 599.022,67 KM, upisuje iznos 594.022,676 KM,

- **konto 61399164 „Izdaci za obilježavanje državnih praznika i dana Grada“**, uvećava se za 10.000,00 KM, tako da se umjesto iznosa 9.109,23 KM, upisuje iznos 19.109,23 KM.

OBRAZLOŽENJE

Naknadnim uvidom u Izmjene i dopune Budžeta Grada Zavidovići za 2024. godinu, utvrđeno je da je učinjena tehnička greška pri unosu podataka, tako da je na **kontu 61399164 „Izdaci za obilježavanje državnih praznika i Dana Grada“**, upisan iznos 9.109,23 KM a trebalo je upisati 19.109,23 KM.

Kako bi bilo moguće ispraviti naprijed navedenu grešku i kako bi Budžet Grada Zavidovići ostao uravnotežen bilo je potrebno izvršiti slijedeće izmjene:

- **konto 611100 „Bruto plaće i naknade plaća“**, umanjiti za 5.000,00 KM, tako da je umjesto iznosa 3.387.594,46 KM, potrebno upisati iznos 3.382.594,46 KM,

- **konto 611200 „Naknade troškova zaposlenih“**, umanjiti se za 5.000,00 KM, tako da je umjesto iznosa 599.022,67 KM, potrebno upisati iznos 594.022,676 KM,

- **konto 61399164 „Izdaci za obilježavanje državnih praznika i dana Grada“**, uvećava se za 10.000,00 KM, tako da je umjesto iznosa 9.109,23 KM, potrebno upisati iznos 19.109,23 KM.“

„AMANDMAN BROJ 3

na Prijedlog Izmjena i dopuna Budžeta Grada Zavidovići za 2024. godinu

I

U članu 2. Prijedloga Izmjena i dopuna Budžeta Grada Zavidovići za 2024. godinu, poglavlje B-Rashodi i izdaci, stubac „Izmjene i dopune Budžeta Grada Zavidovići za 2024. godinu mijenjaju se stavke kako slijedi:

-konto 611100 „Bruto plaće i naknade plaće“, umanjuje se za 3.000,00 KM, tako da se umjesto iznosa 3.387.594,46 KM, upisuje iznos 3.379.594,46 KM,
-konto 612000 „Doprinos poslodavca i ostali doprinosi“, umanjuje se za 5.000,00 KM, tako da se umjesto iznosa 410.000,00KM, upisuje iznos 405.000,00 KM,
-konto 611200 „Naknade troškova zaposlenih“, umanjuje se za 5.000,00 KM, tako da se umjesto iznosa 599.022,67 KM, upisuje iznos 589.022,67 KM,
-konto 613200 „Izdaci za energiju“, umanjuje se za 10.000,00 KM, tako da se umjesto iznosa 86.000,00 KM, upisuje iznos 76.000,00 KM,
-konto 613500 „Izdaci za usluge prevoza i goriva“, umanjuje se za 3.500,00KM, tako da se umjesto iznosa 28.500,00KM, upisuje iznos 25.000,00 KM,
-konto 8213191 „Nabavka opreme“, umanjuje se za 2.000,00KM, tako da se umjesto iznosa 52.000,00 KM, upisuje iznos 50.000,00 KM,
konto 614811 „Tekući transfer za povrat više ili pogrešno uplaćenih sredstava“, umanjuje se za 2.000,00 KM, tako da se umjesto iznosa 17.000,00 KM, upisuje iznos 15.000,00 KM,
- konto 613400 „Nabavka materijala““, uvećava se za 27.000,00 KM, tako da se umjesto iznosa 39.000,00 KM, upisuje iznos 66.000,00 KM,
- konto 61371-723 „Izdaci za tekuće održavanje““, uvećava se za 3.500,00 KM, tako da se umjesto iznosa 41.900,00 KM, upisuje iznos 45.400,00 KM,

OBRAZLOŽENJE

Kako smo nakon sačinjavanja Izmjena i dopuna Budžeta Grada Zavidovići za 2024. godinu, naknadno bili u obavezi nabaviti obrasce izvoda iz matičnih knjiga, obavezni smo povećati sredstva na kontu 613400 „Nabavka materijala““, a zbog naknadno dostavljene fakture za čišćenje zgrade Grada Zavidovići, obavezni smo takođe uvećati - konto 61371-723 „Izdaci za tekuće održavanje““.

Napominjemo da je konto 611100 „Bruto plaće i naknade plaće“, umanjeno Amandmanom broj 2 za 5.000,00 KM te je nakon tog amandmana konto 611100 „Bruto plaće i naknade plaće“ iznosio 3.382.594,46, takođe konto 611200 „Naknade troškova zaposlenih“, umanjeno je Amandmanom broj 2 za 5.000,00 KM te je nakon tog amandmana iznosio 594.022,67 KM.“

Predsjedavajuća daje na glasanje da se Prijedlog Izmjena i dopuna Budžeta Grada Zavidovići za 2024. godinu vodi po skraćenom postupku.

Nakon provedenog glasanja, Predsjedavajuća konstatuje da je prijedlog da se Prijedlog Izmjena i dopuna Budžeta Grada Zavidovići za 2024.godinu raspravlja po skraćenom postupku sa 20 glasova ZA, 8 PROTIV, 0 UZDRŽANO (Odsutni: Haris Hodžić), usvojen te će se raspravljati po skraćenom postupku.

Uvodno izlaganje: Midhat Bajramović

U raspravi učestvovali: Šemsudin Skejić, Amra Jupić, Amer Avdičević, Samira Pinjić, Nermin Čahtarević, Zahid Avdičević

Odgovor: Midhat Bajramović, Nermin Čahtarević

Predsjedavajuća daje na glasanje Prijedlog Izmjena i dopuna Budžeta Grada Zavidovići za 2024. godinu.

Nakon provedenog glasanja, Predsjedavajuća konstatuje da je Prijedlog Izmjena i dopuna Budžeta Grada Zavidovići za 2024. godinu, sa 21 glasova ZA, 7 PROTIV, 0 UZDRŽANO (Odsutni: Haris Hodžić), usvojen.

Ad.5 - Prijedlog Odluke o izmjenama i dopunama Odluke o izvršavanju Budžeta

Grada Zavidovići za 2024. godinu.

Predsjedavajuća dala na glasanje prijedlog da se tačka 5. Prijedlog Odluke o izmjenama i dopunama Odluke o izvršavanju Budžeta Grada Zavidovići za 2024. godinu vodi po skraćenom postupku.

Nakon provedenog glasanja, Predsjedavajuća konstatovala da je prijedlog da se tačka 5. Prijedlog Odluke o izmjenama i dopunama Odluke o izvršavanju Budžeta Grada Zavidovići za 2024. godinu raspravlja po skraćenom postupku, sa 21 glasova ZA, 7 PROTIV, 0 UZDRŽANO, usvojen.

Uvodnog izlaganja nije bilo.

U raspravi nije bilo učesnika.

Predsjedavajuća dala na glasanje Prijedlog Odluke o izmjenama i dopunama Odluke o izvršavanju Budžeta Grada Zavidovići za 2024. godinu.

Nakon provedenog glasanja, Predsjedavajuća konstatovala da je Prijedlog Odluke o izmjenama i dopunama Odluke o izvršavanju Budžeta Grada Zavidovići za 2024. godinu sa 21 glasa ZA, 7 PROTIV, 0 UZDRŽANO (Odsutni: Haris Hodžić), usvojen.

Ad.6 - Prijedlog Odluke o privremenom finansiranju Grada Zavidovići za period 01.01.2025.-31.03.2025. godine.

Uvodno izlaganje: Midhat Bajramović

U raspravi nije bilo učesnika.

Predsjedavajuća dala na glasanje Prijedlog Odluke o privremenom finansiranju Grada Zavidovići za period 01.01.2025.-31.03.2025. godine.

Nakon provedenog glasanja, Predsjedavajuća konstatovala da je Prijedlog Odluke o privremenom finansiranju Grada Zavidovići za period 01.01.2025.-31.03.2025. godine sa 28 glasova ZA, 0 PROTIV, 0 UZDRŽANO (Odsutni: Haris Hodžić), usvojen.

Ad.7 - Prijedlog Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići.

Predsjedavajuća dala na glasanje prijedlog da se tačka 7. Prijedlog Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići vodi po skraćenom postupku.

Nakon provedenog glasanja, Predsjedavajuća konstatovala da je prijedlog da se tačka 7. Prijedlog Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići vodi po skraćenom postupku sa 28 glasova ZA, 0 PROTIV, 0 UZDRŽANO (Odsutni: Haris Hodžić), usvojen.

Uvodnog izlaganja nije bilo.

U raspravi nije bilo učesnika.

Predsjedavajuća dala na glasanje Prijedlog Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići.

Nakon provedenog glasanja, Predsjedavajuća konstatovala da je Prijedlog Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići sa 28 glasova ZA, 0 PROTIV, 0 UZDRŽANO (Odsutni: Haris Hodžić), usvojen.

Ad.8 - Prijedlog Rješenja o imenovanju Komisije za izbor na upražnjene pozicije predsjednika i člana u Upravnom odboru Javne ustanove „Dom zdravlja“ Zavidovići.

Uvodno izlaganje: Predsjedavajuća Gradskog vijeća

Vijećnik Asim Džindo zatražio pauzu od 15 minuta za Klub SDP-a

Pauza 15 minuta.

U raspravi nije bilo učesnika.

Predsjedavajuća dala na glasanje Prijedlog Rješenja o imenovanju Komisije za izbor na upražnjene pozicije predsjednika i člana u Upravnom odboru Javne ustanove „Dom zdravlja“ Zavidovići.

Nakon provedenog glasanja, Predsjedavajuća konstatovala da je Prijedlog Rješenja o imenovanju Komisije za izbor na upražnjene pozicije predsjednika i člana u Upravnom odboru Javne ustanove „Dom zdravlja“ Zavidovići, sa 22 glasova ZA, 7 PROTIV, 0 UZDRŽANO, usvojen.

Ad.9 - Prijedlog Rješenja o imenovanju Komisije za izbor na upražnjene pozicije predsjednika i članova u Skupštinu JKP „Radnik“ d.o.o Zavidovići.

Uvodnog izlaganja nije bilo.

U raspravi nije bilo učesnika.

Predsjedavajuća dala na glasanje Prijedlog Rješenja o imenovanju Komisije za izbor na upražnjene pozicije predsjednika i članova u Skupštinu JKP „Radnik“ d.o.o Zavidovići.

Nakon provedenog glasanja, Predsjedavajuća konstatovala da je Prijedlog Rješenja o imenovanju Komisije za izbor na upražnjene pozicije predsjednika i članova u Skupštinu JKP „Radnik“ d.o.o Zavidovići, sa 29 glasova ZA, 0 PROTIV, 0 UZDRŽANO, usvojen.

Ad.10 - Prijedlog teksta autentičnog tumačenja člana 43. stav (4), a u vezi sa članom 35. Poslovnika o radu Gradskog vijeća.

Uvodno izlaganje: Džemanina Memagić

U raspravi učestvovali: Hasib Huskić, Haris Hodžić, Džemanina Memagić

Predsjedavajuća dala na glasanje Prijedlog teksta autentičnog tumačenja člana 43. stav (4), a u vezi sa članom 35. Poslovnika o radu Gradskog vijeća.

Nakon provedenog glasanja, Predsjedavajuća konstatovala da je Prijedlog teksta autentičnog tumačenja člana 43. stav (4), a u vezi sa članom 35. Poslovnika o radu Gradskog vijeća, sa 29 glasova ZA, 0 PROTIV, 0 UZDRŽANO, usvojeno

„A U T E N T I Č N O T U M A Č E N J E

odredbe člana 43. stav (4), a u vezi sa članom

35. Poslovnika o radu Gradskog vijeća Zavidovići – novi prečišćeni tekst

(„Službeni glasnik Grada Zavidovići“, broj: 7/22 i 1/23)

Član 1.

(Predmet autentičnog tumačenja)

Utvrđuje se autentično tumačenje odredbe člana 43. stav (4), a u vezi sa članom 35. Poslovnika o radu Gradskog vijeća Zavidovići – novi prečišćeni tekst, a kojim se precizira pravilan smisao navedene odredbe.

Član 2.

(Pravilan smisao odredbe Poslovnika)

Odredba član 43. stav (4) Poslovnika o radu Gradskog vijeća Zavidovići – novi prečišćeni tekst, glasi:

„Član 43.

(4) Izuzetno od odredbe iz prethodnog stava Komisija za izbor i imenovanja sastoji se od po jednog predstavnika svake političke stranke, koalicije ili liste nezavisnih kandidata koji imaju svoje predstavnike u Vijeću, a ukoliko broji paran broj članova ista će se povećati za jednog člana.“

Član 35. Poslovnika o radu Gradskog vijeća Zavidovići – novi prečišćeni tekst, glasi:

„Član 35.

(1) U radno tijelo Vijeća mogu se imenovati i pojedini naučni, stručni ili javni radnici vanjski članovi, a koji predstavljaju relevantne stručnjake iz oblasti u nadležnosti radnih tijela.

(2) Komisija za izbor i imenovanja ne može imati vanjske članove.“

Pravilan smisao citirane odredbu člana 43. stav (4) Poslovnika o radu Gradskog vijeća Zavidovići – novi prečišćeni tekst, treba tumačiti u vezi sa članom 35. stav (1) i (2) Poslovnika o radu Gradskog vijeća Zavidovići – novi prečišćeni tekst, tako što su vijećnici nosioci mandata i prestavnici političkih stranaka, koalicijaili liste nezavisnih kandidata u Vijeću – unutarnji članovi.

U radno tijelo Vijeća mogu se imenovati i pojedini naučni, stručni ili javni radnici vanjski članovi, a koji predstavljaju relevantne stručnjake iz oblasti u nadležnosti radnih tijela.

Komisija za izbor i imenovanja ne može imati vanjske članove.

Član 3.

Ovo autentično tumačenje se primjenjuje i važi od dana primjene odredaba Odluke za koje se daje autentično tumačenje i isto će se objaviti u „Službenom glasniku Grada Zavidovići“.

Sjednica zaključena u 18:14 sati.

ZAPISNIK SAČINIO

Bakir Mujkić, ba. pol. n.

OVJERAVA

SEKRETAR GV- a

Samira Pinjić, dipl. pravnik

PREDSJEDAVAJUĆA

GRADSKOG VIJEĆA

Amira dr Hadžić, spec. radiolog